

Хол Востокд США татджах зеткриг уурулхми!

Китдин Олн-амтна Республикин омнас уулта, зеткрта уулдвр кеджэх политикан США-г залгч улс ода чигн бэрэ бээнэ. Америкин кермс болн самолетс Китдин тенгсин меджэг зогслго эвдэд, чанкайшистск озднэгүд зад татджах уулдврт дөнъ болад бээнэ. Тийгэ бээх цагла, США-н йосна пропаганд болн америкин зэрм гардачнр, олн-амтна Китдин омнас татвр уга кампань кегэад, терүнэ омнас даоскхэр бээхэрн илднь аалгыхэр седцхэнэ.

Цуг делкэд төвкнүн бээлгы хадгылгыг аамшгта ашла харгьулм, Хол Востокд США бэрджэх задта уул татгч эн политик нам нарт делкэн оргн олн амтна нег мөслгч сөрглцлгнлэ харгьсн деерэн, дээнэ блоксар США-н кесг нөкднрин халхас бурушалгнла харгьджана. Хол Востокд бэрджэх америкин политик, 1956 джил Англ, Франц, Израиль гурви Египтүр дэврлгь кесн «Суэцк уулдвр болхд Англин бэрджэсн политикэс улм даву тунг болн аамшгта» гидж Великобританэ тенгсин-дээнэ чидлмүдин маршал Слесор герчлв.

США-г гардгч улс КНР-н туст кеджэх хорлтта уулдврн омнас американцнрин бийснь сөрлцлгь келгн улм өсэд йовна. США-с кесг мингьн километр холд бээх Китдин арлмудиг буладж авхин төлэ, нарт делкэн да эклэд, күүчүлгдх зеткр эклдж татдж болхми гидж США-н пропагандистск машин америкин олн-амтиг иткүлдж чадсн уга. Н. С. Хрущев президент Эйзенхауэрт илгэсн илгэврт, КНР тал дэврлгн Советск Союз тал дэврлгь кесн мет болдж халэгдхми гидж заагдсми. Тер илгэвр барлгдсна хөөн, Хол Востокд америкин правительств татджах задта уулдврүр сөрүд джисэн улм күч авчана. Сүл өдрмүдт США-н йосна политикн омнас бурушадж босн тоомсрта государственн уулдэчнр — урднь государственн сеглэтр бээсн Ачесон; генерал Риджуэй, урднь США-н авиацин министр бээсн Финлеттер, сенатормуд Морзе, Кеннеди, нань чигн кесг улс бээнэ.

Кенэ чигн түшг уга онцрдж үлдхлэрн, США-н правительств, эврэннь уул татгч политикан американск болн нарт делкэн общественностин нүднд таасгдулхар дакн нег күчлгь кев. Терүнэ төлэ сентябрин 11-д, США-н президент Эйзенхауэр радиогьар үг келв. Эн үгнь — олн-амтна Китдиг болн энүнэ правительствиг ховлгыр дүүрв. Хол Востокд булагч деермч уулдвр кедгэн США уурашгогьар бээхиг лавлдж медүлв. Тер үгин хөөн США-н газадн политикиг шалгылгн нарт делкэд улм күч авб.

Терүнлэ хамдан, Тайваниг

болн Китдин нань чиги арлмудиг, тер тоод Цзиньмынь-даог болн Мацзудаог сулдхлгн — Китдин олн-амтна эврэ бийсиннь зугл дотрдундин төр, эн төрт газагыс ямаран чигн орлцлгь келгдж болшго гидж герчлсн олн-амтна Китдин бэрджэх бэрциг нарт делкэн оргн общественность дөннджэнэ. Китд ода болдж йовх олн-амтна митингс болн олн-амтиг зер-зевэр агслгыр кегдджэх джисэн бас — Китд олн-амти эврэннь зөвэн харсдж, деермч дэврэчнриг бокрахар нег мөслчксиг медүлджэнэ.

Ямаран чигн деермч дэврэчд намшрулгч сөрүд цоклгы өгч чадх аргь олн-амтна Китдт бээнэ. Советск Союзиг дахдж, кесг орн-нутгин олн-амтс КНР-г нег мөслдж дөннджэхэн герчлв. «Алдр Китд кезэд чигн ганцхарддж үлдшго» — гидж Арабск Ниисн Республикин министр Ахмед Эль Бакури герчлв.

США Китдин дотрдундин төрт орлцлгн түүдвр угагыр уурулдж, эврэннь дээнэ флотан Тайваньск проливэс, эврэннь салдсмудан Китдин арл-Тайванэс дууддж гаргьдж авх зөвтэ. Төвкнүнд дурта күмн амти кевтэн түүг США-с некджэнэ.